

**Dumonda da la fracziun da la PS concernent la protecziun da whistleblowing en il Grischun
(emprima sutsegnadra Müller)**

Whistleblowras e whistleblowers prestan ina contribuziun impurtanta a favur da la scuvrida d'incunvegnyentschas en la politica, en l'economia ed en la societad. Questas persunas gidan a revelar corrupziun, fauss cumportaments e praticas illegalas. En quest connex s'exponan ellas dentant savens ad ina gronda ristga persunala. Las stentas da stgaffir dapli clerezza en il sector da whistleblowing sin plaun federal fan dapi onns naufragi. Plinavant è la Svizra sut squitsch internaziunal, en spezial da la OECD, che ha crititgà repetidamain mancanzas en connex cun la protecziun d'infurmantas ed infurmants. Uschia sa tschenta la dumonda, tge ch'il chantun po far per serrar questa largia en la lescha.

Las sutsegnadras ed ils sutsegnaders supplitgeschan perquai la Regenza da responder las suandantas dumondas:

1. Quant enavant s'orientescha il Grischun als best practices internaziunals u a las recumandaziuns da la Confederaziun per meglierar la protecziun da whistleblowras e whistleblowers?
2. Tge mesiras èn giuridicamain pussaivlas sin plaun chantunal per francar meglier la protecziun da whistleblowras e whistleblowers en la lescha? Tgeninas da questas mesiras imaginablas considerescha la Regenza sco adattadas?
3. Whistleblowras e whistleblowers s'exponan ad ina gronda ristga persunala. Tras la scuvrida d'incunvegnyentschas subeschan ellas ed els savens in donn persunal. Quai vala independentamain dal fatg, sche las infurmantas ed ils infurmants han medemamain chaschunà las incunvegnyentschas (cf. uschenumnada «regulaziun da bonus» resp. regulaziun da perditgas principalas en il dretg da cartels) u sch'ellas ed els èn sa cumportads correctamain. A medem temp èsi en l'interess public, che las incunvegnyentschas vegnian scuvridas. Tenor la Regenza na cuntegna il dretg chantunal e federal naginas basas legalas per indemnisar whistleblowras e whistleblowers che scuvran incunvegnyentschas e che subeschan pervia da quai eventualmain in donn persunal. È la Regenza da l'avis ch'ina basa legala per ina indemnisaziun saja en l'interess public? Sche gea, co po questa basa legala vegnir stgaffida en moda raschunaivla sin plaun chantunal?

Cuira, ils 24 d'avrigl 2025

Müller, Horrer, Baselgia, Atanes, Bachmann, Bardill, Biert, Bischof, Cahenzli-Philipp, Dietrich, Gartmann-Albin, Gredig, Kaiser, Kreiliger, Mazzetta, Nicolay, Preisig, Rusch Nigg, Rutishauser, Schläpfer, Tanner, Zindel, Zogg